

# Tarxeta Benvida: axuda económica para as familias con fillos e fillas nados no ano 2018

## Normativa

**ORDE do 19 de decembro de 2017 pola que se establecen as bases polas cales se rexerá a concesión da axuda económica, a través da tarxeta Benvida, para as familias con fillas e fillos nados/os no ano 2018 e se procede á súa convocatoria.**(DOG nº 246 do 29/12/2017)

**Nota informativa TARXETA BENVIDA 2018 | Preguntas frecuentes**

**+ info: [tarxetabenvida.familia@xunta.gal](mailto:tarxetabenvida.familia@xunta.gal) | [www.pan.gal](http://www.pan.gal)**



## Obxecto

Establecer unha axuda económica para as familias que no ano 2018 teñan un/unha fillo/a, adopten ou estean en situación de garda con fins adoptivos dun neno ou nena nacido/a en 2018 (BS403B),

## Persoas beneficiarias

1. Persoas residentes na Comunidade Autónoma de Galicia que se atopen nun dos seguintes supostos:
  - a. Ter fillas ou fillos, tanto por natureza como por adopción, nados/os entre o 1 de xaneiro e o 31 de decembro de 2018.
  - b. Estar en situación de garda con fins adoptivos dun ou máis nenos/as nados/as entre o 1 de xaneiro e o 31 de decembro de 2018..
2. Tamén se poderán beneficiar da axuda as galegas e os galegos e os seus descendentes que se encontren en calquera dos dous supostos anteriores e, tendo residido fóra de España, retornen a Galicia durante o ano 2018.

## Requisitos

- a. Que a persoa proxenitora solicitante teña a súa residencia habitual en Galicia. Considerarase cumprido este requisito co empadramento efectivo nun concello de Galicia.
- b. Que a renda da unidade familiar non supere os 45.000 €. De ser superior, a renda per cápita non deberá superar os 13.500 €. \*
- c. Que a renda da unidade familiar non supere os 22.000 €, para ter dereito á ampliación da axuda prevista no artigo 4.2.
- d. Ademais, as persoas galegas emigrantes deberán ter retornado a Galicia no ano 2018 e deberán estar en posesión da nacionalidade española antes do dito retorno.
- e. Cumprir os requisitos establecidos no artigo 10 da Lei 9/2007, do 13 de xuño.

\* Para a determinación da renda da unidade familiar, con carácter xeral sumaranse a base impoñible xeral e a base impoñible do aforro da declaración do imposto da renda das persoas físicas (en diante, IRPF) do último período impositivo con prazo de presentación vencido no momento de presentación da solicitude de subvención.

Entenderase por unidade familiar a formada pola/s persoa/s proxenitora/s e mais:

1. As fillas e os fillos menores, agás que, con consentimento do/a pai/nai, vivan de xeito independente.
2. As fillas e os fillos maiores de idade con incapacitación xudicial e patria potestade prorrogada ou rehabilitada.
3. As fillas e os fillos maiores de dezoito anos cun grao de discapacidade superior ao 33 %.
4. As menores e os menores en situación de garda con fins adoptivos.

No suposto de non convivencia das dúas persoas proxenitoras se unha delas asume en solitario o sustento da unidade familiar (**familias monoparentais** segundo o disposto no artigo 13 da **Lei 3/2011, do 30 de xuño, de apoio á familia e á convivencia de Galicia**), a **renda da que non contribúe non será computada** sempre que se acredite documentalmente a dita circunstancia.

## Tipos de axuda e contías

**Con carácter xeral, a contía total da axuda é de 1.200 € por cada fillo ou filla nado/a en 2018 durante o seu primeiro ano de vida** a razón de 100 €/mes, que se farán efectivos do seguinte xeito:

- a. Ano 2018: un único pagamento coa contía que corresponda en función do mes de nacemento ou de ser o caso, do ditado da resolución de adopción ou garda con fins adoptivos e ata o mes de decembro, incluído.
- b. Ano 2019: un único pagamento coa contía que corresponda desde xaneiro e ata o mes anterior ao que o neno ou nena cumpra un ano.

**Para aquelas familias con renda igual ou inferior a 22.000 €, a axuda ampliarase no segundo ano de vida e ata que o neno ou nena cumpra tres anos, nas seguintes contías:**

- a. 600 €/ano, a razón de 50 €/mes, se o fillo/a que dá dereito á axuda é o primeiro.
- b. 1.200 €/ano, a razón de 100 €/mes, se o fillo/a que dá dereito á axuda é o segundo.
- c. 2.400 €/ano, a razón de 200 €/mes, se o fillo/a que dá dereito á axuda é o terceiro ou sucesivos.

Esta ampliación farase efectiva en pagamentos anuais sucesivos co importe que corresponda ata o mes de decembro do exercicio en curso en función do mes de nacemento, ou do ditado da resolución de adopción ou garda con fins adoptivos do fillo ou filla polo/a cal se concedeu a axuda.

*(A tarxeta solicítase unha vez e mantense nos anos sucesivos ata que o/a neno/a cumpra tres anos si se siguen cumprindo os requisitos, que se comprobán de oficio pola administración)*

A instrumentación da axuda efectuarase a través da entrega da tarxeta Benvida, que se expide a nome da persoa solicitante. A Consellería de Política Social remitirá as tarxetas ás familias coa carga inicial e con instrucións para a súa activación e informándoas das condicións de uso. A tarxeta só poderá ser utilizada en farmacias, parafarmacias, supermercados, tendas de alimentación e establecementos de puericultura ou especializados en artigos e produtos para a infancia.

## Documentación

### Solicitude | Presentación electrónica na sede

- a. Anexo II debidamente cuberto e asinado pola persoa proxenitora que non apareza como solicitante, se é o caso.
- b. Copia completa do libro ou libros de familia da unidade familiar ou, de ser o caso, documentación acreditativa dos vínculos de parentesco da persoa solicitante co resto dos membros da súa unidade familiar.
- c. Certificado de empadramento conxunto da persoa solicitante e da/o nena/o que dá dereito á axuda.
- d. Copia da resolución xudicial ou administrativa que declare a adopción ou a garda con fins adoptivos, de ser o caso, cando se trate de adopcións formalizadas fóra da Comunidade Autónoma de Galicia.
- e. Copia da sentenza de nulidade, separación ou divorcio ou da resolución xudicial que estableza as medidas paterno filiais dos fillos e fillas comúns nas unións de feito e/ou do convenio regulador, de ser o caso.
- f. Pasaporte en vigor da persoa cónxuxe ou parella, para o suposto de que esta estea en trámite de autorización de residencia.
- g. Documentación acreditativa dos ingresos percibidos no estranxeiro no período impositivo computable, acompañados dun certificado de organismo competente ou entidade bancaria acreditativo do valor en euros dos ditos ingresos, de ser o caso.
- h. No suposto de persoas galegas emigrantes retornadas ou descendentes, deberase presentar ademais:
  - 1º. Documentos xustificativos do nacemento en Galicia ou de ser descendente dunha persoa galega.
  - 2º. Certificado de persoa emigrante retornada, expedido polas delegacións ou subdelegacións do Goberno, baixa consular ou calquera outra documentación que acredite fidedignamente a data de retorno a España.
  - 3º. Pasaporte para as persoas solicitantes que non teñan DNI.

Cando se acheguen coa solicitude documentos en idioma distinto do galego ou castelán, deberá presentarse tamén a tradución dos ditos documentos para calquera destes dous idiomas.

Na solicitude (anexo I) deberá figurar, con carácter obrigatorio, un teléfono móbil para os efectos de activar a tarxeta Benvida. A activación será efectiva unicamente desde o número de móbil que se faga constar na solicitude.

5. No suposto das solicitudes presentadas por vía electrónica, deberase presentar unha copia dixitalizada dos documentos indicados nos puntos anteriores.

### Lugar de presentación:

- Preferentemente electronicamente a través da sede electrónica da Xunta de Galicia, no enderezo: <https://sede.xunta.gal>.

### Prazo de presentación de solicitudes

Será de dous meses contados desde o día seguinte a aquel en que se produce o nacemento ou se dita a resolución administrativa ou xudicial para os supostos de garda con fins adoptivos e de adopción. Entenderase

como último día do prazo o correspondente ao mesmo ordinal do día do nacemento ou do día en que se ditou a resolución de adopción ou de garda con fins adoptivos.

No suposto de que a persoa solicitante sexa emigrante retornada a Galicia en 2018 e sempre que o fillo ou filla nacesse con anterioridade ao seu regreso, este prazo de dous meses contarase a partir do día seguinte a aquel que conste na documentación que acredite fidedignamente a data de retorno a España. Así mesmo, entenderase como último día do prazo o correspondente ao mesmo ordinal da data que figure na dita documentación acreditativa.

**Prazo de resolución:** Tres meses | Sentido do silencio administrativo: Negativo

## Procedemento de adhesión dos establecementos ao programa

### Procedemento de adhesión ao programa Tarxeta benvida para a ampliación dos seus beneficios

## Entidades adheridas

- *Supermercados Eroski Center, Hipermercados Eroski e Supermercados Familia:* 3% de desconto en todas as compras realizadas
- *Mi Mueble BB:* 5% de desconto directo nos seus produtos.
- *Grupo Cuevas:*
  - 3% de desconto en todas as compras realizadas nos puntos de venda Aquíé, Aquí e Plenus.
  - Durante o primeiro ano de vida do bebé, subministrará ata 150 botellas de auga mineral en formato de litro e medio e mais un pack de benvida personalizado.

---

[Imprimir](#)